

RECTIFICATIO idem est, ac reiterata distillatio ad maiorem liquorum exaltationem instituta.

REDUCTIO, seu REVIVIFICATIO est metallorum ab acido corrosorum, medio alkali acidum absorbente, in pristinam formam restitutio.

SUBLIMATIO est subtilium particularum alicujus corporis sicci, vi ignis, ascensus, ita ut sublimibus, superioribusve vasis parietibus adhæreant.

TORREFACTIO dicitur, cum in sartagine, aut patella igni superposita, medicamenta agitamur, ut humore suo leviter, mediocriter, vel omnimodè priventur, prout oportuerit.

TRITURATIO idem est ac Pulverisatio nuper explicata.

## CAPUT IX.

### DE PRÆPARATIONIBUS, ET CORRECTIONIBUS *quorundam Medicamentorum usualium.*

PRÆPARATIO ADIPUM, SEU PINGUEDINUM,  
Axungiarum, Medullarum, & Sevi.

**R.** Adipis, seu pinguedinis, aut medullæ; quot volueris. Fibras, & venulas exime. Concide minutim, & in mortario marmoreo quassa. Elue multoties ex aquâ purâ, Balneo Maris liqua. Cola, & reconde.

### ALOES LOTIO.

**R.** Aloes Soccotrinæ, vel Hepaticæ, quantum volueris. Dissolve in  
Aquæ fontanæ, . . . . . sufficienti quantitate.  
Igne blando digeratur, dein filtretur, & balnei vapore ad consistentiam solidam inspissetur, sive reducatur.

## ALOEES NUTRITIO.

**R.** Aloes Soccotrinæ purissimæ, vel ejus defectu Hæpaticæ lotæ, subtiliter pulverisatæ, quantum volueris. Mitte in vase terreo vitreato, cui superaffunde Succi Rosarum Rubrarum, vel Pallidarum, depurati, . . . . . quantitatem sufficientem. Ut fiat instar pultis liquidioris, tunc vapora ad siccitatem Balneo Maris. Terque hoc iteretur: massa tandem usui fervetur, & Aloe rosata vocatur; si autem loco Succi Rosarum superaffundatur Succus Violarum, Aloe violata dicitur.

## ALUMINIS USTIO.

**R.** Aluminis rochæ, . . . . . quantum volueris. Indatur vasi novo figulino non vitreato, & igne imposito, aduratur, donec ampullas amplius non emittat.

## PRÆPARATIO ASSELLORUM.

**R.** Asellos sylvestres vivos coloris argentei, . . . . . quot volueris. Vino albo ablue. Exsicca, & serva.

## PRÆPARATIO BOLI ARMENÆ.

**R.** Boli Armenæ subtiliter pulverati, quantum volueris. Rore majali, Aquâ nivis, vel fontanâ purissimâ ablue. Aquam per decantationem separa; ac deinde ad Solem exsicca, & serva.

## PRÆPARATIO CHALCITIDIS, PRO THERIACA.

**R.** Vitrioli viridis, . . . . . quantum volueris. In vase terreo, aliquandiù igne communi calcinetur, ad humiditatis superflue evaporationem, donec in massam cinericiam reducatur.

## USTIO, SEU CALCINATIO VITRIOLI AD RUBEDINEM.

COLCOTHAR ARTIFICIALE DICTUM.

**R.** Vitrioli, . . . . . quantum volueris.  
In vase terreo non vitreato, igne moderato exsic-  
cetur, deindè igne forti calcinetur, usquedùm vitriolum  
in fundo, & ad vasis latera rubescat, & erit COLCOTHAR.

## EDULCORATIO COLCOTHARIS.

**R.** Colcotharis prædicti, . . . . . quantum volueris.  
In Aquæ communis . . . . . sufficienti quantitate.  
abluatur, donec tota falsuginitas, & acrimonia fuerit ab-  
sumpta; deindè exsiccetur, usuique seruetur; sicque præ-  
paratum Crocus Martis adstringens est, & TERRA VI-  
TRIOLI DULCIS in Officinis vocatur.

## CORNU CERVI AD ALBEDINEM CALCINATUM.

**R.** Cornu Cervi frustula, . . . . . quot volueris,  
Vasi figulino imponantur, & in fornacem ad al-  
bedinem urantur igne aperto; deindè pulverisentur, &  
in lapide marmoreo, aquâ rosaceâ super-aspersâ lævigen-  
tur, & in trochiscos redigantur, exsiccentur, & usui ser-  
ventur.

## CORNU CERVI PULVERISATIO.

**R.** Cornu Cervi integri, . . . . . quantum volueris.  
Scobina derade. Scobs in pulverem redacta  
aquâ rosaceâ irroretur, ut fiat pasta, quæ exsiccata, & ite-  
rum pulverisata cum eadem aqua in massam redigatur,  
tandemque denuò exsiccetur, pulverisetur, idque ter, vel  
quater repetatur, & ad usum reponatur.

*Similiter preparantur.*

Unicornu.

P

Ebur.  
Rhinocerotis cornu.  
Apri dentes.  
Mandibula Piscis Lucii.  
Cranium humanum, & similia.

PRÆPARATIO CORNU CERVI PHILOSOPHICA.

**R**. Cornu Cervi in majora frustra secti, . . .  
. . . . . quantum volueris.  
Mitte in vas idoneum. Affunde  
Aquæ comunis, . . . . . quantitatem sufficientem.  
Vase ritè obturato bulliant, donec mollescant, postea me-  
dulla à cortice exteriori nigricante cultro separetur, &  
cornua albicantia exsiccentur, pulverisentur, & usui ser-  
ventur.

Aqua vero à coctione remanens, post depurationem  
ulteriori coctura Gelatinam exhibet.

PRÆPARATIO JECORIS LUPI.

**R**. Jecur Lupi in frustra incisum, & vino odorato lau-  
tum, in clybano, vel in Sole exsiccentur, &  
Absynthio obvolutum reponatur.

PRÆPARATIO INTESTINORUM LUPI.

**R**. Lupi intestina secundum longitudinem disecta,  
ac vino, in qua Ruta, & Foeniculum incocta  
fuerint, elota, exsiccentur, & Ruta obvoluta usui tandem  
serventur.



## PRÆPARATIO PULMONIS VULPIS.

**R.** Pulmonem Vulpis recentem (extracta aspera arteria) in frusta dissectum, multoties lava, & calore clibani lento exsicca, absynthioque involutum ad usum serva.

## PRÆPARATIO PRIAPI CERVİ.

**R.** Priapi Cervi in plures partes dissecti, . . . . . quantum volueris. Aqua comuni lava, ac in clibano benè exsiccatus ad usum servetur.

## PRÆPARATIO SANGUINIS HIRCI.

**R.** Hircum non castratum, quem diebus canicularibus cornibus suspende, cruribusque ad cornua reflexis, testes abscinde, & accepto ex eis omni cruore exanguem pro Lanione dimitte: sanguis sic collectus, & à parte serosa separatus, in Sole exsiccetur, & servetur ad usum.

Alii verò HIRCUM decollant, sanguinemque manantem vase terreo vitreato accipiunt, & sero depuratum, exsiccant, usuique reponunt.

## PRÆPARATIO ALBI GRÆCI.

**R.** Albi Græci, seu Stercoris Canis exsiccati (per aliquot dies ossibus nutriti), . . . quantum volueris. Lavigetur supra marmor cum Aquæ plantaginis, . . . . . quantitate sufficienti. Formentur denique trochisci, qui exsiccati usui servantur.

*Simili modo parari potest.*

Stercus Pavonis. . . . . cum aqua Pœoniæ.

Stercus Anseris. . . . . cum aqua Cichorii.

PRÆPARATIO VIPERARUM.

Viperæ, Vere, & Autumno sunt capiendæ, tunc enim vivaces, pingues, crassæque existunt. Viperas seorsim cum forcipe fume, & caput, collum, caudamque abscinde, non quod veneni sint receptacula, sed quia carne prædictæ partes destituuntur; postea excoria eas, & exentera, pinguedineque seorsim ad alios usus seposita, earum truncos, corda, & jecinora in aere, umbraque exsicca, ac in vase clauso, locoque sicco ad usum repone.

Pinguedo autem lota, & lento igne liquefacta, statimque colata, in vase vitreo fervetur: Capita denique, caudæ, interanea, & coria exsiccentur, & ad distillationem spiritus, olei, ac salis volatilis viperarum custodiantur.

PRÆPARATIO HIRUNDINUM.

**R.** Pullorum Hirundinum deplumatorum, & exenteratorum, . . . . . quot volueris.  
In vase terreo vitreato leni balnei calore exsicca, pulverisa, & ad usum serva.

*Simili preparantur modo.*

Ranæ.  
Bufones.  
Cancris fluviatiles.  
Erinacei.  
Lumbrici.  
Limaces.  
Talpæ.

PRÆPARATIO LACCÆ.

**R.** Radicis Aristolochiæ longæ, & Schoenanthi, . . .  
. . . . . ana unciam unam.  
Bulliant simul in . . . . . sufficiente quantitate.  
Aquæ ad remanentiam libræ unius, coletur, colaturæque

adde Laccæ electæ parùm fractæ uncias quatuor, decoquatur moderato igne, usquedùm purior Laccæ pars supernatet, dissolvaturque quidquid in ea laudabile sit, & sanguinei coloris aqua reddatur: tunc Lacca per inclinationem ab humiditate, & fordibus separata coletur, ac Solis calore siccata ad usum fervetur.

## USTIO, SEU CALCINATIO PLUMBI.

**R.** Plumbi, . . . . . quantum volueris. Liquefeat in vase terreo novo non vitreato, cui jam liquefacto adde Sulphuris pulverisati, . . . . . quantitatem sufficientem. Igne vehementi calcinetur, spathula ferrea illud agitando, donec in pulverem redigatur.

## ÆRIS USTIO.

**R.** Æris bractæ, . . . . . quot libuerit. Immittantur in fictile vas, interposito inter singulas æris lamellas falis communis, aut sulphuris pulvere, ut fiat stratum super stratum: hoc, medio igne, sufficienter uratur, & calx relicta, aqua calida sæpius affusa, edulcoretur. Hoc tamen inspecto, quod si cum sale, vel nitro præparetur Æs, calx evadet rubicunda; è contra verò nigra, si cum sulphure comburatur.

## PRÆPARATIO CHALYBIS CUM ACETO.

**R.** Limaturæ Chalybis, . . . . . quantum libuerit. Imponatur in vase terreo, & superinfundatur Aceti Vini acerrimi, . . . . . quantitas sufficiens. Ut fiat instar pultis solidioris, tunc in loco calido exsicceatur, postea massa pulverisetur, & sic septies reiteretur, dein supra marmor lævigetur, & usui fervetur.

## PRÆPARATIO CHALYBIS CUM SULPHURE.

**R.** Limaturæ Chalybis, & Sulphuris communis pulverisati, . . . . . partes æquales. Misce, & cum aqua in pastam redige, quam in vase terreo, horis quatuor reponere ad fermentescendum, postea valido igne calcinetur, spathula ferrea indefinenter materiam agitando, usquequò in Crocum rubrum redactæ sint limaturæ, usui serva. Ab aliis verò sequenti modo præparantur.

Frustrum Chalybis oblongum igniatur sub folle fortissimo igne, usquequò de se scintillas undique spargat: tunc extrahatur ab igne integrum frustrum, & magdaleon sulphuris subito, & fortiter ei admoveatur, sic enim guttatim ambo liquata decident in patinam aquæ suppositam, hic labor continuari debet, donec sufficiens granulorum ferri acquiratur quantitas; deinde hæc pulveriscentur grana, & in crucibulo calcinentur, ut sulphur omne deflagret, lævigetur denique pulvis, & usui fervetur.

## PRÆPARATIO OCULORUM CANCRORUM.

**R.** Lapidum Cancrorum genuinorum, quot volueris. Aqua fluviatili calente pluriès in die renovata ablue; idque per plures dies repete, donec ferè nullus in eis deprehendatur odor.

Exsiccatos tere subtilissimè in mortario ferreo, vel marmoreo. Posthac supra porphyritem agita, instillando identidem aquam communem, usque dùm in pulvem tenuissimam lævigentur. Effinge Trochiscos in umbra siccandos.

*Simili modo præparabuntur.*

Testacea,  
Corallia.

## PRÆPARATIO MARGARITARUM.

**R.** Margaritarum Orientalium, . quantum volueris.  
Aqua fluviatili calente semel, aut iterum ablue.  
Exsicca. Tere, & supra porphyritem læviga.

*Simili modo preparatur.*

Succinum.

## PRÆPARATIO TESTARUM COCLEARUM.

**R.** Coclearum oblongas testas, . . . quot volueris.  
His affunde

Aceti destilati, . . . . . quantitatem sufficientem.  
Macera per noctem, ad extrahendam mucositatem, quam  
diligenter abrasdes, exsiccata, postea pulveriscentur, & cum  
aqua Cardui benedicti supra marmor lævigentur, formen-  
tur denique Trochisci, qui cognominantur ANTIFEBRILE  
CONCHARUM, vel FEBRIFUGUM CROLLIANUM.

PRÆPARATIO FRAGMENTORUM LAPIDUM  
PRETIOSORUM.

Fragmenta pretiosa aqua ablue. In mortario ferreo,  
non verò æneo, pistillo ferreo in pulverem crassiuscu-  
lum comminue; super chartam pulverem expande, & Mag-  
netis ope ferri particulas inter pulverationem abrasas ex-  
trahē. Tum supra porphyritem in pollinem redige; & Tro-  
chiscos effinge.

## PRÆPARATIO ANTIMONII.

**R.** Antimonii crudi in mortario ferreo pulverati, .  
. . . . . , . quantum libuerit.  
Supra porphyritem læviga; dein cum aqua multa permif-  
ce, & agita. Aquam, cum turbida fuerit, decanta, & in  
vasē idoneo repone. Superstiti materiæ iterum aquam affun-

de, tere, & aquam turbidam super priorem effunde; idque toties repete, donec totam materiam alkoolifatam exhauseris. Tum aquam omnem effusam decanta, & Antimonium in fundo vasis remanens exsicca, & serva.

*Simili modo preparentur.*

Cinnabaris,  
Magnes,  
Lapis Hæmatites.

PRÆPARATIO LAPIDIS LAZULI, seu CYANEI.

**R.** Lapidis Lazuli electi, . . . quantum volueris. Candescat in Crucibulo. Aquâ Borriginis extingue. Semel, atque iterum id repete. Posthac subtilissimè trituretur. Aquâ fontanâ lavetur; aqua per inclinationem effundatur, & supra porphyritem læviga cum aqua Rosarum, & ex eo tandem formentur Trochisci, & serventur.

*Similiter preparantur.*

CrySTALLUS.  
Tuthia.  
Lapis Pumex.  
Lapis Judaicus.  
Lapis Calaminaris.  
Lapis Lyncis.

CORRECTIO SCAMONII CUM SUCCO CYDONIORUM,

UNDE SCAMMONIUM CYDONIATUM DICTUM.

**R.** Scamonii Aleppensis subtiliter pulverisati, . . . quantum libuerit. Immitte in vas fictile vitreatum, cui superinfunde Succum Cydoniorum, . . . quantitatem sufficientem. ad consistentiam pulvis liquidæ; deinde in Balneo Maris, vel calore lento, spatula continuo agitando, exsicca; ut

*unda. juxta*

fiant Trochisci usui fervandi, sub nomine Diacrydii, & hæc autem operatio INSUCCATIO dicitur.

*GLYCYRRHISATUM SEQUENTI MODO PRÆPARATUR*

**R.** Scamonii pulverisati, . . . quantum volueris.  
Agita in mortario marmoreo sensim affundendo decoctum glycyrrhizæ fervens, donec lactescat, liquorem lacteum amove, & cum predicto decocto procede ut est dictum, ac repete, donec fæces nigricantes in fundo solum remanserint, postea liquores lacteos misce, & in Balneo Maris, aut lento calore evapora ad siccitatem.

Notandum verò, quòd semper, ac in compositionibus Scammonium absolutè præscribatur, electum, & crudum imponi debeat.

*SCAMONIUM SULPHURATUM.*

**R.** Scamonii electi, mediocriter triti, quantum libuerit. Super chartam bibulam expansi sulphuris fumo suffumigetur; studiosè tamen cavendo ne lique scat, quare Scammonium sine intermissione commoveatur, & lentissimo calore sulphuris fumo imbuatur.

*TORREFACTIO RHABARBARI.*

**R.** Rhabarbari electi pulverati, . . quantum placet. Mitte in patinam argenteam vel ferream. Impone igni moderato, continuò spathulâ movendo, donec fuscum colorem acquisiverit. Serva ad usum.

*Simili modo torrefiunt.*

Myrobalani, &c.

*NUTRITIO SARCOCOLLÆ.*

**R.** Sarcocollæ electæ, crasso modo pulverisatæ, . . .  
Laëtis Mulieris, vel Caprini, . . . quantum volueris.  
irroretur, ut fiat pasta liquida. Postea leni calore exsicce tur, sicque fervetur ad usum.

Q

## PURIFICATIO GUMMI AMMONIACI.

**R<sup>2</sup>.** Gummi Ammoniaci, . . . quantum libuerit.  
 Solve igne leni in  
 Vini albi, . . . quantitate sufficienti.  
 Solutionem lactescentem pluries cola per linteum rarum,  
 fortiter exprimendo. Colatura vaporet Balneo Maris ad  
 extracti consistentiam.

*Simili modo preparantur.*

Galbanum,  
 Sagapenum,  
 Opoponax,  
 Bdellium,

Nota. Ad usus internos rectius adhibentur horum Gummi lachrymæ puriores, quæ nullâ egent præparatione.

## CORRECTIO EUPHORBII.

**R<sup>2</sup>.** Euphorbii puri, & pulverisati, quantum volueris.  
 Immitte in Matratium, cui superinfundatur succi  
 limonum optimè depurati, quod sufficiat ad eminentiam  
 quatuor digitorum, digere igne arenæ, identidem agitan-  
 do, donec Euphorbium solutum appareat; postea cola per  
 linteum mundum, & Balneo Maris vaporet ad siccitatem,  
 ac serva ad usum.

## PURIFICATIO SALIS MARINI.

**R<sup>2</sup>.** Salis Marini, . . . quantum libuerit.  
 Solve in  
 Aquæ communis, . . . sufficienti quantitate.  
 Solutionem filtra, vaporet ad pelliculam, deinde immitte  
 in cella, ut in cryсталlos concreascit.

*Simili modo preparantur.*

Sal Catharticum.

Vitriola.

Alumina, &amp; similia.

## PURIFICATIO SALIS AMMONIACI.

**R.** Salis Ammoniaci, . . . quantum volueris.  
 Solve in  
 Aquæ communis, . . . sufficienti quantitate.  
 Filtra, dein vaporet solutio ad pelliculam, si cryсталlos  
 volueris.

## PURIFICATIO NITRI.

**R.** Nitri, . . . quantum volueris.  
 Solve in  
 Aquæ puræ, . . . sufficienti quantitate.  
 Unicuique Nitri libræ adde  
 Aquæ calcis primæ, . . . unciam unam.  
 Liquoris Nitri fixi, . . . guttas aliquas.  
 Quiescant per viginti quatuor horas. Liquorem filtra. Va-  
 poret ad pelliculam. Pone in cellâ. Concreſcent cryсталli,  
 Sale Marino omninò ſpoliati.


## DECREPITATIO SALIS.

**R.** Salis Marini, vel communis, . quantum volueris.  
 Projice per vices in ollam fictilem non vitratam,  
 candentem, vâſe cooperto. Fiat Decrepitatio.

## COCTIO SCYLLÆ.

**R.** Scyllas recentes, ablatis corticulis exterioribus,  
 & radicibus, . . . quot volueris.  
 Singulas, farinâ, aquâ ſubactâ involve, deinde in cly-  
 bano coquantur, donec feſtucâ penetrari poſſint. Tum ſin-  
 gularum ſquammæ cruſtâ nudatæ, demptis membranulis,  
 pinſentur, & per ſetaceum trajiciantur.

Qij



## SCYLLÆ EXSICCATIO.

**R.** Squammas Scyllæ, eas nempe quæ mediæ sunt corticem inter & meditullium. Filo trajice à se invicem discretas. Tum Soli ardentissimo, vel in Hypocausto, per tres dies exsiccentur.

## TEREBINTHINÆ LOTIO.

**R.** Terebinthinæ Venetæ, . . . . . uncias duas.  
Mitte in  
Aquæ Rosarum, . . . . . uncias sex.  
Agita spatulâ, & exime. Semel, & iterum idem repete, aquâ renovatâ.

## TEREBINTHINÆ COCTIO.

**R.** Terebinthinæ, . . . . . uncias duas.  
Coque ex  
Aquæ communis, . . . . . sufficienti quantitate,  
ad Colophoniz duritiem. Exime, & ferva.  
*Simili modo parabuntur, sive per Lotionem,  
sive per Coctionem.*  
Terebinthina Chia, & pro necessitate,  
alii Succī balsamici resinosi liquidi.

## PRÆPARATIO SERI LACTIS.

**R.** Lactis Caprini, Vaccini vel alterius animalis recentè mulcti, . . . . . libras quinque.  
Immitte in vas figulinum, admisce  
Coaguli Vituli, seu Caprini, seu Floris Cardui, prius ex aquæ cochleare uno, aut altero perfectè soluti, . . . . . semī drachmam.  
Vas coopertum colloca supra cineres calidos per aliquot horas, donec Lac densè cojerit, Serum decanta, & coagulum impone in setaceum equinum, ut Serum uberius stillet, tunc Serum per linteum mundum simul, & iterum trajice.

## CLARIFICATIO SERI LACTIS.

Serum Lactis, ut supra paratum, turbidum adhuc, & albicans, agitur cum ovi albumine: Bulliat, & inter ebullitionem inspergatur.

Cremoris Tartari, . . . . . grana octo.  
pro singulis Seri libris. Fiat colatura, quæ quidem, si non sit perfectè limpida, per chartam bibulam (penitus refrigerata) trajiciatur.

## CAPUT X.

## DE SUCCIS LIQUIDIS VEGETABILIVM.

**V**egetabilium Succus est substantia quædam expressa ex particulis aquosis, salinis sulphureis, terrestribusque composita, quæ media aeris oppressionem, & calore subterraneo augetur, ut è terra, per fibrarum radicum ora, nutritionis, auctioris gratia ascendens, totam per plantæ substantiam circuletur; modo eodem, quo sanguis, aliaque fluida in animantibus.

Omnes Succī triplici modo, ex simplicibus extrahuntur: nempe per incisionem, expressionem, & digestionem; per incisionem, v. gr. aqua ex vitibus, liquor betulæ, bryoniæ, scammonii, aloes, & similia; per expressionem eliciuntur Succī ex caulibus, foliis, floribus, radicibus, & fructibus; per digestionem denique, ex aliquibus Vegetalibus, & Insectis separantur.

Diversimodè tamen Succus ex prædictis extrahitur. Caulēs enim, & folia exprimuntur hoc modo.

**R.** Caulēs, & folia recentia, succulentaque, hoc est, priusquàm flores, ac semina emittant, ab impuritatibus per lavationem mundata, quæ in mortario lapideo